



御廉

張氏重修族譜

光緒癸巳重修

御簾張氏
族譜



汝水茂
壽平樹森梓

御廉张氏重修族谱

簾御張氏重修族譜

卷之首



新序

嘗聞國之所最重者在於史之一書有
聖哲英明之主不能無昏庸暗昧之君
有忠貞直諍之臣不能無欺僞權奸之
賊故雖越千萬年則當年之興衰可得
而知也家之所最要者在於譜之一牒

有王公相將之祖不能無士農工賈之
祧有孝弟慈讓之孫不能無猛勇剛強
之裔故雖傳千百世則當世之昭穆可
得而序也吾祖

橫渠獻公以理學名所垂家乘厯有宋元
明在昔諸名儒巨卿秉筆闡揚無遺議
矣本朝康熙己亥纂修以來至道

光壬午則百有四年迄壬午續編以歷
光緒之癸巳又逾七十有二載紀其年
年非久也攷其世世非遠也則吾猶以
爲久猶以爲遠者盍念王陽明先生三
世不修之戒誠恐偶踏不孝之名難以
告無罪於先君耳而議修者所不容
緩也烏能遷延歲月棄老成於晨星之

候想先祖於望雲之秋或亡或存疑信
各參其半或娶或葬生卒莫辨其全抑
且風流文學之士忠信廉勇之才有以
仕宦而著政聲有以詩書而傳雅譽有
以商賈而揚富美有以潔靜而勵貞操
至於中饋之能相夫教子之道爲順婦
爲節婦皆可爲族黨光使譜之不修猶

水之不知有源木之不知有本其可乎
哉今不必慮及此矣譜將告成族之父
老輩咸以命序於渠渠愧年輕復慚學
淺但思繼志述事之言尊祖敬宗之意
無時不記於楮墨間則家之有譜亦猶
國之有史也工既竣董其事者而償始
願焉後之蠹蝕之虞重新之舉不無望

於肖子慈孫也是爲序

峇

光緒二十年歲在甲午仲夏月 吉旦

三十七世孫盛渠拜撰

重修族譜序

嘗聞家有信譜猶國有信史第史兼懲惡而譜主勸善古云
主世不修比於不孝此仁人孝子之心未嘗一日而或輟也
吾族肇於宋南劍將樂縣令

幼厚公子 德行公是爲御簾開基之始祖而元而明而
國朝能恪守

文獻公九齡

理學公橫渠之遺訓其間或以節義著或以功名顯者無代
無之而譜則規自前代萬厯間再修於 康熙丁亥歲迨

道光壬午有重修之役距今七十有餘年矣承兵燹之後譜牒散佚守缺抱殘每披讀一過未嘗不涕零也方今海寓昇平時和年豐僻壤窮鄉皆知敬宗收族油然而興其孝弟慈愛之心況吾族爲歸陽著姓萃處一鄉稱數百戶文物聲明之盛甲於中和里咸豐丁戊之交慷慨勤王從容殉難惟吾族爲之冠

天子特沛恩卹崇祀昭忠祠照耀青史流芳後世而謂不足以光家乘垂奕禩哉甚矣譜之宜修也亟亟矣豈仗宗祖之靈闔族有修譜之舉香爰偕族之父老殷勤纂葺

互考訂孰爲忠孝可風孰爲節義可表靡不采錄以爲吾族
光他如世系如生卒如祠墓祭產田園廬舍皆條分縷晰炳
若日星俾後之子若孫有所攷據而知其所自庶幾譜爲信
譜猶之史爲信史矣謹付梓人排印張刷以迪前光照來許
香不禁躍然起欣然嘆曰是役也可不謂繼述之善也乎自
茲以往將見人人皆興其孝弟慈愛之心不忘夫木本水源
之義枝派由是繁冠裳從此而盛是則區區稍慰於今日而
尤有望於後賢也夫是爲序

旨

龍飛光緒甲午年歲在闕逢敵并癸賓月

吉旦

三十六代裔孫儒學生員品香盥手拜撰

重修族譜新序

族之有譜一族之源流著矣萬古之綱常立矣卽仁人孝子之心亦存矣伏讀

聖祖仁皇帝

聖諭十六條首以敬孝弟以重人倫篤宗族以昭雍睦故一姓之源流著則孝弟慈人重矣萬古之綱常立則宗族篤而雍睦昭矣蘇子曰觀吾譜者孝弟之心油然而生是修譜之事仁人孝子之事也人能知孝弟則知親其親長其長而天下平矣世變以來重修族譜之事鮮已言之至再至三矣奈族

中人皆以艱鉅爲辭致阻其尊祖敬宗之心從無一人起而贊成之以存仁人孝子之念也歲壬辰冬適有江西梓人朱樹森先生到鄉談論修譜請衆酌議之舉復有族姪盛渠邀全族叔化龍斟定章程以定衆志以收衆心於是公舉總理副理若而人分理勸捐若而人編稿校正對讀若而人是則各懷尊祖敬宗之心以重人倫而昭雍睦也軒以古稀加一之年龍鐘潦倒多年食硯聽其慙遺則是舉也恐終難奏效然實有望於羣公也今則翹首而觀厥成不誠勝任而愉快哉是可以對遺序之先君可以對倡修續編之先世爰述數

言載明新議章程用以垂諸後代接踵而起之仁人孝子以

免三世不修之罪以作世世敬宗收族之鑑也云爾是爲序

時在

大清光緒御極貳拾年歲次甲午夏月

吉旦

1894

三十六世裔孫本軒謹述

重建